


梧蒼金石志

潘紹治題籤



07936

栝蒼金石志卷七

嘉興李遇孫金瀾輯

海甯鄒柏森殷甫奉校增補

麗水王尙

忠芝庭
麋雲舫

參

麗水王宗訓式之同校

宋五

甘泉惠應廟勅牒碑

碑高六尺廣三尺九寸額隸書九字牒文二列上列五行下列三行皆行書徑三四寸不等勅字徑五寸
尙書省印方二寸七分
分碑在郡北甘泉圩

牒奉

勅宜賜惠

應廟爲額牒

栝蒼金石志

卷七

至準

勅 故牒

嘉定捌年肆月

尙書省印日牒

簽書樞密院事兼權參知政事鄭正

右丞相臣

右甘泉惠應廟勅牒碑在郡北十五里甘泉圩碑

陰刻奏狀牒文磨滅不全有云金端公神廟在地

名甘泉縣北十五里又云本州栝蒼誌錄分明又

云開禧三年六月初二日蝗虫蔽野屢傷禾黍又

云金端公廟係自父老相傳原是唐末因巢賊劫

掠爲國勤兵至麗水縣二十五都地名武婆嶺沒
無聞於王事○迹尙存累顯神跡云云末一行年月尙
書省牒右丞相等字尙存按唐勅制三公第一等
人各親書名不花押宋時以片紙粘于前頭連勅
落日書押字米襄陽謂其如常式文牒似不敬也
今觀此勅參知政事鄭正書名而不花押右丞相
不書名而花押則宋之勅制亦有不盡然者 雲舫

留元剛仙都山磨崖

葉十四行行十字
正書徑五寸

嘉定丙子四月十有二日

栢蒼金石志

卷七

二

留元剛來游仙都訪小蓬

萊漾舟溪曲散步巖扉倚

竹清獻虛谷響答恍焉浮

湘中泝武夷之舊已乃登

倪翁洞扣初暘谷問舍玉

虛會飲宿雲浩歌長吟月

午無寐睇空碧之石想軒

黃之馭質疑祛妄出有入

無明日竟留覽圖索勝窮

足力之所到而去同游者

應鏞周表留暄趙善湙周
建子俞興孫郭磊卿子瀟
侍將還趙希袞自越至平
高文忠公總賦吳復卒
五

陳孺刊

此觀無錄

右留元劄仙都山磨崖在青蓮石上所題諸景歷
歷如在目前可作游仙都山小記元劄字茂潛承
相申公之子朝請郎直顯謨閣學士此刻殆知溫
州軍州時所題耳

雲舫

因公同遊

攷元剛泉州永春人丞相留正之孫非子也官
起居舍人正子恭丙端皆爲尙書郎見宋史正

栢蒼金石志

卷七

三

本傳正以紹熙元年進右丞相封申國公壽皇
聖政成進少保封衛國公冊寶禮成拜少傅封
魯國公嘉泰元年進封魏國公同遊者周留俞
四人無攷應鏞咸淳臨安志行在所錄學校有
建宗學并學官題名記金華應鏞譔記後書嘉
定庚辰庚辰爲嘉定十三年元剛題記在九年
相去僅隔五年卽此應鏞無疑郭磊卿字子奇
仙居人嘉定七年進士端平初拜右正言尋擢
右史以直言爲史嵩之所忌除起居郎卒諡正

肅有兌齋集見宋詩紀事又宋藝圃集載其偶

題一絕云更無清興在杯觴不用蒲葵扇自涼
月色靜時山鶴叫一庭清景藕花香讀其詩其
人之品概可知矣趙善湙趙希袞二人是宋宗
室按袞卽裕字見廣韻宋史宗室世系表無名
又世系表太宗第四子商王元份房有善昊而
無善湙商王七世孫爲贈武翼大夫士趨孫贈
金紫光祿大夫不尤第四子豈卽其人而世系
表傳刻有誤耶記稱問舍玉虛會飲宿雲宿雲
當亦玉虛宮道字別名著此可補舊志之缺

雲縣志湯成烈果卿跋

栢蒼金石志

卷七

四

謹按原本留元剛世系有誤應鏞諸人亦未詳
故增果卿跋校正 殷甫

田君錫等仙都山題名并陳紹若題記磨崖

田君錫等題名三行兩行凡八字末行七字字徑三寸三分不等陳紹若題記八行七行行十五字末行十二字字徑二寸二分二三分不等俱正書

嘉定丙子重陽前一

日邑人田君錫天台

陳伯奇伯羹來遊

嘉定九禩嚴君偕季父訪親戚田

君同遊于此記歲月於崖壁間閱二十

七年紹若始生又二十七年紹若叨宰
斯邑訪而得之雖風雨剝蝕之餘筆墨
儼然如新非有物以呵護之耶命工刊
之旦夕迎侍 嚴君來觀云何不喜咸
淳五年七月既望男宣教郎知處州縉
雲縣主管勸農公事紹若謹書

右陳伯奇仙都初暘谷磨崖道光壬辰冬命工往
拓此本歸途爲風雨所損幾無字可辨幸有筆錄
副本可據急爲編入凡游名山勝景至再至三原
無足異而陳伯奇游此偶題二十二字於崖上不

栢蒼金石志

卷七

五

意五十年後其子紹若來宰斯邑筆墨如新始命
工勒石斯真有呵護之者耶亦可作千古佳話矣
雲舫

謹按原本田君錫等題名祇二十二字紹若題
記一百十三字今觀摩崖陳伯奇下脫一伯字
紹若始生下脫一又字旦夕二字誤作石字既
望下□是男字知處州府府字衍文主管下□
是勸字俱係副本編入之誤爰照崖刻補正

殷

甫

靈鷲山石塔款識一

凡七行行七
字正書徑寸

都□□前□本院

傳度比邱吳□表

弟起塔一座福報

四□□□三□□

巨宋嘉定九年歲

次丙子正月十七

日謹題匠者□□

靈鷲山石塔款識二

凡九行行九
字正書徑寸

橋蒼金石志

當院徒弟比邱釋施長

財建塔一座祈福追怛

先考汝南應六承事先

妣 君吳氏同生淨界

求脫輪迴四恩普報三

有齊資一切冤親咸成

佛道時太歲丙子嘉定

九年四月十五日謹題

石匠葉成

靈鷲山石塔款識三

凡入行行七入字
不等正書徑寸

當院徒弟住持東山

多福院比邱釋抽施

長財建造

七佛寶塔一所祈

福報荅四恩利資三

有嘉定九年歲次丙

子十一月朔日謹題

匠者陳喜

靈鷲山石塔欵識四

栝蒼金石志

卷七

凡七行行字不
等正書徑寸

處州府郭內往

印庵比邱□□□施財

命工鑄造寶塔一座祈

福乞薦先考二承郎趙公

先妣二安人陳氏遠年□界

仍報四恩三有者

時嘉定十一年戊寅歲□□造

右靈鷲山石塔銘共四座建於嘉定年間比邱所

為辭皆一律案六朝人造像或銅或石多有唐時

建石幢刻尊勝陀羅尼經徧天下佛寺此起石塔
四子同一義也文字惡劣降而愈下殊不足取以其宋
刻而錄存之

戎鈴三崑磨崖

現存三行行十
一字正書徑寸

嘉定戊寅仲春朔太末戎鈴

閱武竣事郡丞嚴陵詹義民

□叔□仝寮飲餞于郊觀宿

後缺

右戎鈴三崑磨崖末已缺郡丞詹義民郡志不載

栢蒼金石志

卷七

八

戎鈴無攷閱武者奉使按部閱兵也如石門山宋
紹熙間鄭挺唐老中春按兵來游之屬雲觴

遂昌隆因院鐵鐘款

鍾據拓本錄入不計高圍
款五行行七字正書徑寸

檀越劉運幹筓捨

洪鐘乙口入隆因

院供養三寶祝延

聖壽辛巳嘉定十

四年冬至日鐘□

右遂昌隆因院鐵鐘款乃嘉定十四年劉運幹捨

為瞿曇鑄觀其文並無所福語但言供養三寶祝
延聖壽云云按隆因院在遂昌縣東十五里唐乾
甯元年建鐘今在遂昌縣學孔廟

麗水縣學重刊韓昌黎處州孔子廟碑

碑高七尺四寸廣三尺五寸文分四層第一二層各
十八行行九字第三層十七行行九字第四層亦十
七行行八字額題處州重刊孔子廟碑八字並篆書
文篆長一寸二分額篆長五寸八分末有嘉靖癸未
王俸校補二行
亦篆書長七分

自

尚唯社稷

楮蒼金石志

卷七

九

不

己

功

功

不

此

於

或

召梓實人先其所業禮焉於斯也觀於南
嶽聖宮談之爲先既歎於此心當又命王
改爲觀回聖子變十八歲其餘中十以多
後大儒尚羊高左且明是軻苟泥於生也
公韓生董生高堂生楊維翰合等數十人
皆圖之辭評博士弟學以習其八設講堂
教之以禮肄習其中又爲置本錢向米令
可繼焉之宮廟成館率事及博士弟以入
學於釋帶禮者悉數瞻也兄弟皆學於學
觀係尚文於古聖賢不貫肆故其爲政知
所先後可歌也

栢蒼金石志

卷七

十

維此廟學觀於南嶽聖宮談之爲先既歎於此心當又命王改爲觀回聖子變十八歲其餘中十以多後大儒尚羊高左且明是軻苟泥於生也公韓生董生高堂生楊維翰合等數十人皆圖之辭評博士弟學以習其八設講堂教之以禮肄習其中又爲置本錢向米令可繼焉之宮廟成館率事及博士弟以入學於釋帶禮者悉數瞻也兄弟皆學於學觀係尚文於古聖賢不貫肆故其爲政知所先後可歌也

舊碑題元明十三年李度君觀經始

文及置石大和三季歲次壬酉中央卯
廿五日癸酉敬使君倭建立朝議
知肅卿司馬上柱國任迪書籍篆額
皇宋嘉定十七年閏八月乙亥吉朝議
亦直龍圖閣提舉建康府崇禧觀賜紫
金魚次陳公碩篆書并題額
翰奉朝權贊選肅卿軍弼籍管內
事俗緇王寤龍重立

皇明嘉靖癸未三月吉旦奉政亦亦樞柱前以府同知

五州王儋校補

陳方新篆額

栢蒼金石志

卷七

十一

釋文

自天子至郡邑守長通得祀而遍天下者唯社稷與
孔子焉然而社祭土稷祭穀句龍與棄乃其佐享非其
專主又其位所不屋而壇豈如孔子用王者事巍然當
坐以門人爲配自天子而下北面拜跪薦祭進退
誠敬禮如親弟子者句龍棄以功孔子以德固自有次
弟哉自古多有以功德得其位者不得常祀句龍棄孔
子皆不得位而得常祀然其禋事皆無如孔子之盛所
謂生人以來未有如孔子其賢過於堯舜遠者此其效
與郡邑皆有孔子廟或不能修事雖設博士弟子或役

於有司名存實亡失其所業獨處州刺史鄴侯李繇至
官能以爲先旣新作孔子廟又命工改爲顏回至子夏
十八象其餘六十子及後大儒公羊高左丘明孟軻荀
况伏生毛公韓生董生高堂生揚雄鄭元等十人皆圖
之壁選博士弟子必皆其人設講堂教之行禮肄習其
中又爲置本錢卣米令可繼處以守廟成躬率吏及博
士弟子入學行釋菜禮者老歎嗟其子弟皆興於學鄴
侯尙文於古記無不貫達故其爲政知所先後可歌也
已乃作詩曰

維此廟學鄴侯所作厥初庠下神不以字先師所處亦

栢蒼金石志

卷七

十一

窘寒暑乃新斯宮神降其獻講讀有常不誠用勸揭揭
先哲有師之尊羣聖嚴嚴大瀆以存象圖孔肖咸在斯
堂以瞻以儀俾不咸忘後之君子無廢成美琢舜碑石
以贊攸始

朝散大夫守國子祭酒賜紫金魚袋韓愈撰

舊碑題元和十三年李使君繇經始碑文及置石大

和三年歲次己酉六月朔廿五日癸酉敬使君僚建

立朝議郎權知處州司馬上柱國任廸書兼篆額

皇宋嘉定十七年閏八月初吉朝議大夫直龍圖閣

提舉建康府崇禧觀賜紫金魚袋陳孔碩重書并題

額朝奉郎權發遣處州軍州兼管內勸農事借緋王
夢龍重立

皇明嘉靖癸未春三月吉旦奉政大夫浙江處州府
同知長洲王倬校補 陳式新摹刊

按此碑据金石錄及廣川書跋皆以爲任迪行書
而廣川則又云咸通四年刺史王通古重立是此
碑最初立者爲敬僚在大和三年重立者爲王通
古在咸通四年再重立者王夢龍在宋嘉定十七
年最後摹刊者爲王倬在嘉靖二年癸未而書碑
則初爲任迪行書後爲陳孔碩篆書最後爲王倬

栢蒼金石志

卷七

十三

校補卽此碑是也歷次重立皆不詳其故大約是
斷裂缺遺然自大和三年至咸通四年僅逾三十
五年不知因何重立碑題無明文王通古又無傳
可攷不知廣川書跋之語有可据否也文爲韓愈
撰今取宋畱耕王氏昌黎文集刻本校之其不同
者唯社稷與孔子焉然而社祭土集本焉作爲然
字屬上句北面拜跪薦祭集本無拜薦二字皆無
如孔子之盛集本無作不其賢過於堯舜遠者集
本作遠矣顏回集本作顏子設講堂集本上有又

爲置三字又爲置本錢廩米集本無又爲二字揭

二先哲集本先哲作元誓以贊攸始集本攸作假
又集本題下註云此篇方從石本方者朱子考異
序所謂甫田方氏卽方崧卿也石本當卽敬僚所
立者留耕王氏集本刻于寶慶三年王夢龍石本
刻于嘉定十七年是刻集之時石刻新出甫四年
方氏未能据以校韓集則方氏所据者尙是任廸
之舊本矣碑與集不同之處雖於文義無大紕繆
然細按之則今石本較勝或方氏所見石本有缺
泐模糊及剪禱失次之病致互異也昌黎撰文守
國子祭酒据本傳自袁州刺史徵爲國子祭酒在

元和十五年碑舊題云元和十三年置石大和三
年建立是置石在撰文前二年建立在撰文後九
年矣碑載鄴侯李旒新作孔廟十哲皆塑像其餘
先賢後儒皆畫壁亦可見當時廟學從祀之製李
繁爲鄴侯泌之子舊書附泌傳但言其累居郡守
而力學不倦歷隨州亳州刺史而不及處州据此
碑知其官處州在元和三年也敬僚任廸俱無傳
宋時重書之陳孔碩福州侯官人宋史附見其子
驍傳稱其爲朱子及呂祖謙門人重立石之王夢

右碑篆額八字文分四列每列俱篆書未有明嘉靖間校刊題款二行在麗水縣學宮昌黎此文爲世傳誦刻石大和間不知毀于何時此嘉定時陳孔碩重書篆筆頗有北宋石經遺意此碑當時有杜牧碑陰記六百餘言大指謂稱夫子之德莫如孟子稱夫子之尊莫如韓吏部應刻在原石世不得而見之矣陳孔碩重修府學文云孔碩幸得尸教事而相斯役疑亦當時山長之屬歟

兩浙金石

案李繁卽鄴侯泌之子也太和中以罪繫獄當死

括蒼金石志

卷七

十五

恐先人功業不傳乞廢紙粗筆于獄吏撰相國鄴侯家傳十卷付其子新舊唐書誡其醜行殊非正人昌黎與之交頗爲之拳拳繁常爲通州昌黎贈諸葛覺詩所謂鄴侯家多書插架三萬軸是也卽是碑所云鄴侯尙文於古記無不貫達故其爲政知所先後可歌也已亦推許至矣殆重其學問歟至碑之遷徙遭燬亦自有說考府學有明宣德六年辛亥指揮使余斌重立韓昌黎孔子廟碑後有教授□祖跋云宋康定中孫威敏公以擇山地隘乃徙學宮於今址韓碑亦與之俱遷迨宣和三年

栢城遭火災學舍碑刻爲之蕩然有司黃葆光再立郡學又建是碑于泮宮門東面元至正間學又初建至明宣德戊申泮宮門頽弊而黃所立韓碑因以碎之於是指揮余公慨然興嘆願復立越三年而始落成之據所云韓碑與學俱徙則昌黎原碑固在今之府學矣後雖經宣和三年火災碑廢而拓本尙在民間所以黃葆光又據以立石縣學嘉定十七年陳孔碩重書韓碑亦知舊碑題元和十三年李使君繇經始碑文及置石大和三年歲次巳酉六月朔廿五日癸酉敬使僚建立朝議郎

權知處州司馬上柱國任廸書兼篆額云云曾從原碑錄土也人但知韓碑原刻失於禪山之孔廟豈知遷至府學遭祝融之災遂蕩然無存乎教授祖字上剝去地名及姓無從考校

處州重刊韓昌黎孔子廟碑宋嘉定十七年陳孔碩篆書王夢龍立石在麗水縣禪山廟學王司寇萃編云此碑最後摹刊者爲王偉在嘉靖二年余以爲不然此王偉校補碑卽王夢龍所立碑未嘗有二也余觀此石係吾栢均溪產內有綠玷其質如粉膩然不甚深遇字刻其上旣經槌拓歲久漸

蝕此碑第一層蝕去十三字如第一行守長二字
是也第二層蝕去二十四字如第八行夏十人象
四字之類是也第三層亦蝕十四字如朝散大夫
是也第四層蝕去三十二字如任廸書三字之類
是也王俸見此碑磨滅七十三字卽以原拓校而
補之故於碑末附款題云王俸校補此可知王俸
未嘗摹刊重立僅爲之校補云爾是石尙係宋刻
非嘉靖刻也明甚余家有舊藏搨本察其蝕處微
有淺痕今觀石刻又不如余之舊藏之爲善也文
云固自有次第之第作弟本說文第作弟束韋之
梧蒼金石志 卷七 七

次第也釋名弟第也相次第而上也篆書作弟知

所本矣

雲舫

葉

武子奏免浮財物力劄付碑

碑額已斷現石高六尺二寸廣四尺三寸五分文分
二列上列奏狀並指揮年月凡三十三行行五十字
有多寡不等正書徑五六分後指揮二行行書徑一
二寸不等尙書省印方二十七分下列二十七行
行字多寡不等正書徑三寸五分在麗陽祖廟
力揮五字正書徑三寸五分在麗陽祖廟

戶部申準紹定貳年捌月貳拾柒日都省批下承議郎

權發遣處州軍州兼管內勸農事借緋臣葉武子奏右

臣一介草茅遭遇

明時

陛下不以臣爲不肖

畀以郡符

陛辭之日嘗

奏陳州縣虐取之弊親承

玉音謂今之守令政是不恤民所以多至虐取臣卽

奏容臣到郡爲

陛下牧養小民不敢有負

臨遣臣自入栝蒼適值極弊民不聊生臣一意撫摩捐

逋釋刑凡害□□可專行者次第而舉民心雖幸相

安然尙有爲害而未去者臣請爲

栝蒼金石志

卷七

十八

陛下言之臣聞天下之事有形者易察無迹者難稽栝
蒼爲郡地狹而瘠民勞而貧浙東七郡栝最爲下經界
久廢姦弊百出惟負郭麗水一邑前任知縣奉議郎林
棐獨能極力修舉今已迄事夏稅秋苗整整有條然猶
有法窮而人無所容其智力者苟不爲之痛加草去則
民之受害猶未已也臣竊見本州柴縣自兩稅之外復
有和買而和買所敷則起於物力物力有貳有實業物
力有浮財物力所謂實業物力者其在麗水以壹畝而
論極高者爲錢伍貫玖百文極下者爲錢伍百或肆百
文紹興間每貫數絹參寸捌分玖釐積而成匹則折價

錢肆貫陸百捌拾文履畝起敷無異地征故高下易見所謂浮財物力者不問田畝之有無凡行商坐賈負販營生之家視其財利之豐約以爲物力之多寡計利起敷頗類手實故高下難明紹興間統壹縣物力除伍等浮實並免敷外所可敷者自壹等至肆等實業物力捌拾陸萬捌千伍百餘貫浮財物力壹拾肆萬貳千餘貫通浮實計之總爲壹百壹萬壹千餘貫此祖額也○歲旣久姦弊日生上肆等戶往往詭寄於伍等故物力日減紹熙中參政張巖作邑日肆等而上浮實總計不過捌拾伍萬伍千壹百餘貫所虧已壹拾伍萬陸千餘貫

於是每貫增作肆寸陸分起敷始及紹興壹百壹萬壹千餘貫元額自是而來其弊復作殆有甚於前日今林棐修復經界不敢過於紹熙肆寸陸分之數止用紹熙舊例宜其僅可以足實業之數而浮財之數未有所歸也今欲再與推排則此浮財久不推排而今復推排予奪高下詞訥紛紛未有底止今欲附帶實業均敷則經界已定况紹熙肆寸陸分起敷已是暗帶入鄉村浮財之數難以再科矣臣契勘此壹拾肆萬浮財物力爲絹凡壹千壹百肆拾餘匹折價錢計伍千叁百餘貫近者州吏虞○等盜用軍資庫官錢事發臣已將各人斷配

而簿錄其田畝填還官錢今不敢出賣止欲椿留此田以歲收苗利約計壹千餘貫爲民間代輸上項浮財物力尙欠肆千餘緡本州多方樽節用度自爲抱認豁去縣解之額庶幾他日汙暴之吏不得復肆而民間永霑無窮之實惠如臣言可採乞賜
奏請存貯
睿旨行下本州以憑遵守謹具錄奏
行奉出
聞伏候

勅旨後批送戶部勘當限五日由尙書省右本部契勘今承一都省批下權發遣處州葉武子奏爲麗水縣浮財物力壹項本州抱認免數人戶輸納事送部勘當本

括蒼金石志

卷七

二

部今勘當欲下處州從其所請將虞佐等田產拘籍在官專一與民代輸浮財物力庶爲民間經久之利所有尙欠肆千餘緡更切多方樽節浮費措置補納以草煩擾伏候指揮

右劄付處州從戶部勘當到事理施行準此

紹定貳年玖月

尙書印日

丞相在假 別

宋受

天命二澗與賦並歸于職方

祖

宗惠徠征繕至薄枯田下下賴以無食□□□□異時

多事空和買之額乘畀齊民履畝哀征數等夏歛是名實業物力甚則料檢納戶之橐籥秋毫折計又名浮財物力枯小而嗇共二弗堪識者喟曰上方宵旰民瘼苟有復焉從如環也

紹定二季春武子被

命承乏

玉音臨遣凜然守令虐取之戒武子祇曰

明訓是究是圖至之日麗水令林斐經□卽功閱實文書則實業物力十得八九獨浮財物力泛罔底麗推排附帶役不可再廼以簿錄駟胥歲入代輸又省穡浮淫枯蒼金石志

卷七

三

自任奇美要使邑求無此額□□無此名八月上聞九月

報□

君門九重如響斯答枯之耄羞沐浴

天波驩聲雷動有以證識者之言不誣於虐仁哉三代君臣飢溺由己不是過邦祚靈長斷可卜矣顧茲曠舉武子綿薄力於何有惟

貽舍大恩宜登載堅珉使枯民世世子孫知一飮所原毋□□焉□皆則太守事也武子又聞昔有河北使者欲再權鹽託故入 奏□□□□□□其意蓋嘗刻記

罷再權詔書于瘦木亭至是觴使者亭上使者見之心
沮迄不□□言今武子謹摹

朝命而私識其下誠慮他日萬一談小利者從與如前
則栝□□利復不夕食故竊做騎山故事揭諸麗陽之
祠庶區區之心質之神明而無愧後之君子其亦仰體
朝廷子惠之仁俾勿壞哉紹定三年正月承議郎權發
遣處州軍州兼管內勸農事借緋葉武子謹再拜稽首
書事而贊曰

天子萬年

右碑碑額已斷祇存五字文兩列上列刻郡守葉

栝蒼金石志

卷七

三

武子奏狀下列刻武子勒碑跋語俱正書在麗水
縣麗陽山按宋季弊政以括蒼瘠邑而浮財物力
積至一百一萬一千貫民不堪命武子能勘實其
數不得已仍存紹熙舊數而又以汙吏簿錄之田
爲民代輸不足者復自撙節抱認以之上聞從如
環也觀其陞辭之日卽陳虐取之弊釐正之後恐
後來言利者從與如前故揭之金石質諸鬼神刊
石于麗陽之祠斯則仁人之用心當俎豆而尸祝
之者矣舊志僅云懇乞除豁未讀此文也

兩浙金

右宋葉武子奏免麗水縣浮財物力碑初閱碑文及兩浙金石志跋語頗疑麗水最爲瘠邑安得浮財物力有積至一百一萬一千餘貫者此事理之必無也及細讀碑文始得其詳宋兩稅之外復有和買而和買起於物力者其名有二曰實業物力曰浮財物力所謂實業物力者以田之一畝而論極高者爲錢五貫九百文極下者爲錢五百或四百文此卽今所謂田地價值也分爲五等第五等不稅外其餘四等每貫稅絹三寸八分九釐積而成匹則折價錢四貫六百八十文所謂浮財物力

者不問田畝之有無凡行商坐賈負販營生之家視其財力之多寡起稅亦分五等微少者除之此卽今所謂買賣資本也統麗水一縣實業之物力八十六萬八千五百餘貫浮財之物力十四萬二千餘貫通浮實計之摠爲一百一萬一千餘貫民間之田價資本盡在於是其稅數浮財物力十四萬爲絹一千一百四十餘疋折價錢計五千三百餘貫實業物力八十六萬八千餘貫爲絹凡六千八百餘匹折價錢計三萬二千餘貫兩項共稅三萬七八千貫此制定於和買之始實業爲之履畝

浮財爲之推排以後不能更改及稍有增減積久
弊生往往上四等詭寄於五等故物力日減摠數
虧缺紹熙中張巖增絹價作四寸六分起稅始及
元額自是而來其弊復作至紹定林棐復正經界
每年實缺浮財物力稅錢五千三百餘貫有司不
得不橫征暴斂以彌補其缺武子廼簿錄駟胥之
產歲收苗利一千餘貫爲民間代輸上項尙缺四
千餘貫自行樽節賠納豁去縣解之額恐汙吏日
後再有煩擾奏明立碑永遠遵守蓋所免民間者
五千三百餘貫在朝廷未嘗絲毫豁免下自爲之
經理代納耳兩浙金石志跋中所云宋季弊政以
栝蒼濬邑而浮財物力積至一百一萬一千貫云
云似有誤會處故表出之郡志載葉武子紹定初
守栝時民生凋敝兩稅外尙有浮財物力之徵民
不勝困下車旣疏其弊懇乞除豁云云亦未明摺
宋兩稅外有實業物力浮財物力兩徵志但云有
浮財物力之徵遺其大而言其小未細讀碑所云
耳

趙立夫仙都山磨崖

八行行九字正書
徑三四寸不等

樂清趙立夫奉祠東歸
訪仙都登初陽谷颺舟
小蓬萊下憇流盤礴回
視二十年間縛纓王
朝抗塵京兆得此閑適
豈不頓快時紹定辛卯
立夏後二日也子時詒
侍行友人宋正礼同遊

右趙立夫仙都山磨崖按立夫字德成樂清人初
登開禧第爲龍泉簿再中法科出知嚴州儲粟備

括蒼金石志

卷七

三

荒最聲上徹進太府卿兼知臨安府入對理宗語
之曰京師細民當一意撫摩使常在春風和氣中
後奉祠再起復以戶部侍郎兼京尹民聞之乃喜
曰我輩又在春風和氣中矣尋除刑部尙書進寶
謨閣學士觀其所題回視二十年縛纓王朝抗塵
京兆得此閑適豈不頓快之句則知立夫委身君
國之日無一息非關心民瘼之時也今奉祠歸里
得游詠於仙都蓬萊之間樂何如之使沈溺宦海
者觀之當有脫然塵表之想

雲舫

按辛卯爲理宗紹定四年立夫宋史無傳宗室

齊國夫世系表魏王廷美十子四廣陵郡康簡王德雍
德雍第四子安定侯承操承操三子次常山郡
孝良公克助克助五子三武德郎叔昉叔昉六
子長忠翊卽定之定之一子公倚公倚二子次
彥譯彥譯三子三卽立夫立夫六子長卽時詰
卽題記所云子時詰侍行者是也咸淳臨安志
秩官七趙立夫温州人理宗紹定元年十二月
十三日以朝請大夫尙書右司郎中除太府少
卿兼知臨安府三年十二月三日除太府卿兼
刪修敕令官端平二年正月十九日以秘書修

栢蒼金石志

卷七

三

撰樞密都承旨兼刪修敕令官除太府卿兼知
臨安府仍兼刪修敕令官三月十五日除權戶
部侍郎兼職依舊二十四日改兼同詳定敕令
官五月九日免兼記爲立夫紹定四年奉祠東
歸所題正初知臨安府免兼除太府卿後事也
縉雲縣志湯成烈果卿跋

謹按原本立夫世系未詳增果卿跋以考證宗
室世系表武德郎叔昉攷昉音戶明也揚雄羽

獵賦昉分殊事

殷甫

齊國夫人潘氏納壙誌

夫十子四廣陵郡康簡王德雍

碑高四尺六寸廣三尺六寸十九行
行三十六字正書徑八分無篆額

先妣齊國太夫人潘姓曾祖庶贈朝奉郎祖特竦故任
朝請郎尙書右司員外郎父曾故任宣義郎監行在
省倉上界母宜人劉氏潘之先世自杭徙栝以芝田鶴
溪仙真孕靈之地因居焉 右司以辟雍名儒起家遂
爲著姓 右司有知人之鑒 先祖丞相岐公甫筮仕
一見期以公輔未幾 先祖繇宏博科入館不十年致
位台鼎逮 先公少師尙書議擇妣 先祖每思 右
司顧遇旣聞 先妣淑德遂締姻焉乾道三年 先公
遇

栝蒼金石志

卷七

七

郊霈初封孺人六年封安人淳熙十三年封宜人紹熙
四年封恭人慶元元年封令人六年封碩人嘉定二年
以說訖

恩封齊安郡太夫人五年封吉國八年封衛國十一年
封齊國自後雖屢膺

錫命以齊爲大不復易也 先妣生於紹興甲子中元

後一日終於紹定辛卯上元後一日享年八十有八卜

以壬辰三月丙申塋於武溪之原與 先公墳壠相望

而近子男五人長 說見朝議大夫前尙書倉部郎中次

說故宣教郎福建路轉運司幹辦公事次 故承奉郎

主管西外睦宗院次該故將仕郎次諱見朝請郎前軍

器監丞知信州女六人長適故太府卿兼權兵部侍郎

陳景思次有疾次適故籍田令通判泰州羅端立次適

故宣義郎楊伯盛次適朝奉郎行在黠檢酒庫所主

管文字張卽之次適朝散郎知嘉興府海鹽縣事李仁

孫男六人世美承直郎新鎮江府觀察推官世修通

仕郎世永宣義世隆將仕錦孫孫未命孫女□

□一許嫁將仕郎□□□□□□□□□□□□□□□□

□追念先妣長年視履奕世寵榮見謂五福之備然

生平服用飲食恪守儉約孳孳爲善終始如一未嘗有

栢蒼金石志 卷七 天

絲毫侈心春秋既高體力不衰人子之心謂可致百年

之養而儵羅終天之痛尙忍言哉大事有日未遑謁銘

于顯人姑叙歲月大略而納諸壙紹定五年歲次壬辰

三月甲申孤哀子湯誥泣血謹書

右齊國夫人潘氏納壙記在麗水南鄉大明寺前

墓有一穴可容人入俯視空洞無物惟碑倚立壙

旁文有丞相岐公舊志不載所云繇宏博科入館

不十年致位台鼎按史傳湯思退試中博學宏詞

科除秘書正字紹興二十九年拜尙書右僕射同

中書門下平章事爲陳俊卿所劾罷爲觀文殿大

學士隆興元年符離師潰名復相但不言爵封岐公或以其人不足取而所書亦略耳以碑叙乾道淳熙度之思退適在相位潘氏爲思退子婦無疑矣潘特竦字廷立大觀庚寅進士質實端重宣和間與秦檜同爲學官終日危坐讀書檜敬憚之及檜秉鈞軸特竦多所正救善類賴焉制誥之褒自是端士惜與思退締姻所謂知人之鑒者安在耶亦難辭其憤憤矣思退子官尙書子婦封齊國夫人史不附錄志無其名

雲舫

右齊國夫人潘氏納壙誌係湯思退之子婦壽至

栢蒼金石志

卷七

无

八十有八子五人孫數人俱有朝命可謂一門鼎盛矣張卽之是其孫壻尙當時墓誌出溫夫之手翰墨照耀流傳後世人必知之而孤子作行狀以納諸墓中爲從前金石文所未有或可廣一例云特以言非其人未可據爲典要耳又碑云祖考丞相岐公案青田縣志封拜門湯思退由進士積階封岐國公

東甌博古齋郭煥春熙堂手鐫

栢蒼金石志卷七終

原刻麗水譚學鎔
重刊海甯鄒柏森校字

栝蒼金石志卷八

嘉興李遇孫金瀾輯

海甯鄒柏森殷甫奉校增補

麗水王尙

忠芝庭
賡雲舫

麗水王宗訓式之同校

宋六

龍泉崇因寺光孝寶鐘銘

鐘高八尺重三千觔
在龍泉縣崇因寺

光孝寶鐘尙方所造端平甲午燬于火

越明年承直郎前饒州司法參軍趙意

慨惜崇規期振遺響合燼餘之金更鑄

之良月範成乃爲之銘曰

栝蒼金石志

卷八

從草之真 坏範之神

鴻音再振 象法一新

響函元極 聽徹幽垠

中興寶運 律呂風雲

右宋端平年重鑄鐘在龍泉縣城東崇因寺東偏

高八尺重約三千觔嘉慶十二年寺僧立山建樓

三層鐘懸第一層鐘文云光孝寶鐘尙方所造案

光孝非年號宋諸帝廟號亦無稱光孝者惟唐高

祖廟號稱神堯大聖光孝皇帝則此鐘是唐初勅

鑄豈不可寶惜燬于宋端平元年越一年卽爲之

重鑄亦六七百年物矣

右光孝寶鐘為承直郎前饒州司法參軍趙善重鑄字書無善字按古隣字乃善以二字合而書

之耳善以曾為司法參軍郡志不載

雲舫

雲和福勝廟勅牒碑

碑高七尺廣三尺六寸篆額六字長五寸文分二列上列牒文十五行行字多寡不等正書徑五分尚書省奉勅至左右丞相皆行書徑三四寸不等年月一行入字正書徑一寸月日之間有尚書省印方二寸七分三公銜下各有花押下列序文三十七行行字多寡不等正書徑五六分

敕賜福勝山廟

尚書省牒

橋蒼金石志 卷八

二

禮部狀准嘉熙四年七月二十二日御封降下兩浙轉

運司狀奏本司據處州○備據麗水縣申據鄉貢進士

梅一飛等列狀稱本縣有雲和黃溪洋經畧節度使大

將軍廟本梅姓也仕唐僖宗朝繼仕五代為大將軍者

五人曰趙曰楊曰張曰祝曰李趙楊將軍中亮大夫制

○使行營右護軍張將軍中衛大夫防禦使○衛前護

軍祝與李皆親衛大夫觀察使行衛後護軍生則同寓

于鄉死則因以立祠遂血食于黃溪洋餘三百年攷○

○見及觀金陵雨花臺下梅將軍廟即黃溪洋之大

將軍也宣和辛丑方寇竊發蕩○鄉里荼毒生靈莫甚

將軍也宣和辛丑方寇竊發蕩○鄉里荼毒生靈莫甚

於此寇一入境陰與交鋒賊遂歛衽而退及建立旗幟
乃節度使將軍之號由是鄉之民均受其福而□□生
自是而後嘉定戊辰蝗虫競起蔽日塞野惟此一方苗
稼不害間或有之則天雨雹皆盡殄滅是歲豐稔頗及
上熟非靈感而何當稻麥將登之時多爲□雹所害自
甲申歲祭尸祈請于廟恬然無虞天□□壬辰旱魃爲
虐下民怨咨諸處祈禱少有感應將軍英魂一旦憑□
諸巫明言曰我同部將能爲汝請雨於上蒼旣而雨澤
霽霽枯者生瘁者起歲以豐稔□□□建寇猖獗民
皆驚惶劔川邑人皆奔依于此鄉而寓居焉鄉民相率

栢蒼金石志

卷八

三

禱于祠下白晝附一童男於十日之地則曰建寇不日
駭除汝等無有他志吾當福汝已爲陰率部衆立寨於
林海果而建寇殄□□□旱苦太甚亢陽益驕然鄉間
較之它處凡有祈禱立昭報應今來鄉閭旣蒙保苾倘
不經陳乞與恩封無以報答神貺乞與保明備申保奏
封號施行本縣繼行下都集鄰保契勘遂時感應靈跡
委是詣實並無一毫虛僞如有不實自甘罪責乞備申
保奏恩封施行州司所據麗水縣申乞保明詣實申本
司施行本司檢准慶元令諸道釋神祠祈禱靈應謂功跡顯
著惠利及民宜加官爵封号廟額州具事狀保明申轉
載於祀典者

運司本司委鄰州官詢究到再委別州不干礙官覈實
乞具○實保奏本司遂牒○○○○委官去後據申差
委○事郎天台縣丞○○勝前去地所詢究本官申躬
親前去地所詢究據鄉貢進士梅一飛等列狀○○○
陳委是詣實乞保明備申保奏○○○○再四○○
○○明申州乞施行州司保明是實○○○本司
遂牒不干礙紹興府委官覈實據紹興府申差委儒林
郎山陰縣主簿○桐卿前去地所覈實委○上項靈跡
○○○○府保明是實申本司本司所據台州申紹
興府申覈實到靈跡保明是實謹錄奏聞伏候○○○

括蒼金石志

卷八

四

○○○○太常寺契勘○○○○
三年正月六日已降指揮節文神祠遇○靈應卽先賜
額并淳熙十四年六月十九日已降指揮節文今後神
祠遇有靈應令諸路運司依條奏取○○○○
來本路轉運司已依條差官候○覈實保奏了當應得
加封條法今勘當乞從建炎三年正月六日并淳熙十
四年六月十九日已降指揮合此擬賜廟額合行降勅
伏乞○○備申朝廷取○旨賜額施行申部本部今契
勘所據太常寺申到事理備錄在○伏乞朝廷指揮施

行伏候

指揮

牒奉

勅宜賜福勝廟為額

牒至準勅故牒

參知政事游

嘉熙肆年拾月

尚書省印

日牒

右丞相

左丞相

成

伏觀

大將軍節度使本始譜序舊以梓而今也石

皆所以表侯功昭上賞也或曰伐石於山得無過侈乎

今日福勝賜額曠古所無可不揚其休垂不朽俾人瞻

仰永永無斃謹按譜序節使諱瑣天錫其始商之梅

栝蒼金石志

卷八

五

伯而衍于漢南昌尉福官于朝任唐歷五代則大將軍

節度使兼檢校踏白部將者其職也受錢氏券而臣屬

我藝祖則以待御史檢校工部尚書爵之告老而歸迺

宅栝之麗水西陽里休焉尋以壽終葬木路原血食斯

土享以祭法自淳熙新廟到今一日也始節使部將曰

趙曰楊曰張次則祝與李身名既顯迺上章偕將軍歸

老斯已既而配食祠庭生則同功報國死則垂福佑人

是皆宜書頃歲○○○廼憑里巫言曰我同部將能為

汝請雨上蒼已而○○○禱年以稔告續鄰寇交警又

部陰兵駭之境外不暴不爭化以成俗秀為士者由里

選學校而官之艷屋衣冠嬉遊歌鼓闐于市閤斯人服
侯功佩侯德轉而上聞茫乎其未階也迨嘉熙己亥我
季父御史杞由令尹陟于朝士民合辭請表上其事於
是御史以其狀聞

天子曰嘻是足以福吾民矣下其事有司俾咨爾部屬
命官核之一曰實再曰○上英靈○視我季父聞于

上者不謀而印由是鴻名顯號洋洋乎綸音飛下之○上者不

朝之顯貴謝公奕昌鉞而揭之廟貌重新溪山華○咸

曰天澤我侯駸駸王此土矣成忝後裔亦與有榮至淳

熙康戊正月之吉始○倡盟哀金恭以勅賜福勝廟額

栢蒼金石志

卷八

六

鑄石峙之廡下庶俾觀者知夫小子成能○繼先季父

所志昭侯之干○光寵澤我後人者侯儻監茲顯而的

派貴而鄉英軒冕羅朝勲名赫奕則穹侯封○同

部當自今始謹拜手以銘曰

蒼州之西雲和其鄉兩溪交流龜穹鯉長篤生異人曰

南昌氏犀帶毳靴血食千祀我人德之假手○冠露請

于朝顯號班班斯土英靈昔也猶闕綸音○來山暉川

媚相彼石矣迺磨迺鐫日星奎剡流光億年彼岸可谷

彼山可礪侯爵永存延我後裔

承信郎新宜差監信州○口鎮酒稅兼排岸梅成立石

并序

迪功郎新建昌軍南豐縣主簿柳榘篆蓋
鄉貢免解進士周大榮書

幹掾郭慶梅王張國材摹刻

右雲和福勝廟勅牒碑福勝廟今屬雲和縣梅大將軍於史無考據碑宋嘉熙四年勅賜廟額有尙書省奉勅宣賜福勝廟爲額之牒又禮部准施行狀一道下刻將軍裔孫名成一序大將軍名瑣爲麗水黃溪洋人生唐僖宗時後歷仕五代爲大將軍節度使有部將五人曰趙曰楊曰張曰祝曰李

栢蒼金石志

卷八

七

歿後俱血食於茲土能蔭庇一方水旱盜賊救護驅除大彰靈顯狀中厯厯言之與成序中所引譜序大同小異嘉熙朝因鄉貢進士梅一飛等所請准勅賜福勝二字後裔成立此碑在淳祐庚戌又云是其季父御史杞於嘉熙朝奏聞與狀內所言不同或祀奏於朝而一飛等請於各司也然此等事若僅據其家譜而言往往多誇飾之詞官爵事實俱不足徵此有牒有狀似尙可信又聞之雲邑人云福勝廟自立碑後傾圮已久碑沒溪中相傳有王柳兩姓出外遇風舟幾覆有神救之夜夢神

謂之曰我有碑在祈豐橋下兩人歸果於後溪掘
得宋時勅賜福勝廟碑昇至空地啟祠以報其德
此事約在明末 國初近年邑人重葺廟宇塑將
軍像碑立其中香火不絕并前遭風者王柳二姓
後裔仍歲歲來祭以報之則將軍之靈爽固至今
未泯云又狀云金陵雨花臺下有梅將軍廟卽此
大將軍也案閻氏若璩潛邱劄記云晉梅將軍廟
在江甯府聚寶門外雨花臺東祀晉豫章內史梅
公曠也曠嘗屯營此地舊名東石子岡後因公名
梅嶺岡曠在豫章以古文尙書奏上元帝又唐李

白有登梅岡望金陵贈族姪高座寺僧中孚南唐
書梅曠岡相接處卽謝安墓明王以旂有廟碑云
始公居其地或云嘗屯營焉皆見閻氏所引非雲
和之梅將軍也狀所言亦附會甚矣

右福勝廟勅牒碑乃鄉貢進士梅一飛等列狀請
表由地方官轉奏禮部狀准三公指揮降勅褒賜
也觀其令諸道釋神祠祈禱靈應宜加官爵封號
云云則知宋時敝政之一端也上以神道設教故
下有靈跡顯著凡有神廟皆爲飾詞紛紛乞請不
無傳會然賜與尙不至濫夫一廟額必由地方列

狀州縣詳請本司委勘初則隣州詢究再則別州
覈實保明申奏又內差太常契勘申部本部上請
指揮事理具備然後勅准尙書省既加印璽左右

丞相各具花押施行可謂鄭重其事又按序稱大
將軍節度使受錢氏券而臣屬我藝祖云云則其
生也有同力王室之功其死也有可護黎庶之德
宜其享以祭法血食斯土也何疑但其官爵事實
志皆不載或當時采訪之疎漏歟

雲舫

碑文云本縣有雲和黃溪洋梅大將軍廟按志載
雲和縣前明景泰三年割麗水縣西九處都圖以

栢蒼金石志

卷八

九

立縣因有浮雲元和二鄉以命名而不知宋時已
有雲和之名銘云兩溪交流蓋其地有前溪後溪
前溪因洗砂水黃後溪水綠故有前溪黃後溪綠
之稱卽碑所謂黃溪洋是也又云龜穹鯉長其地
有龜山在縣半里許鯉魚山在縣北數十步句指
兩山而言甚切非親至其地不知之余前後游雲
和縣幕共十有一載故知之最詳

芝庭

太鶴洞天磚款

磚橫四尺六寸五分廣一尺
六寸厚六寸隸書徑五分

淳祐二年春王順齋珍賞於太霍洞天

諸突再假

右隸書十五字刻於磚左現藏王雲舫家磚虛其中世稱鄣公磚亦名琴磚以其中空鼓琴於上其聲清亮淳祐二年爲宋理宗壬寅歲此磚必在南宋以前故順齋先生珍而賞之也太霍山在青田縣城北二十里道書所謂第十三洞天是也順齋名夢松字曼卿青田人篤志好學六經諸子百家靡不淹貫師事西山葉味道得朱子宗旨郡志載理學傳隱居不仕教授門徒著述甚富當時學者稱爲順齋先生及明季子孫遷居麗水雲舫茂才其二十世孫也嘗出磚相示光潤古黝足爲世寶

括蒼金石志

卷八

十

余卽以淳祐紀其磚已六七百年物矣况不止於此乎

右琴磚乃宋淳祐二年廣十世祖理學公順齋先生故物也磚空其中兩端有竅右竅圓以象天左竅方以象地正面作方勝文背左有理學公所題一十五字款識此磚不知何時失守流傳在東里楊氏家乾隆間先祖佃芹公願以數金贖諸楊氏護以青毡而置諸書室甚寶愛之嘉慶庚午夏廣

奉先祖命學琴曾與蔗園叔以光祿公所遺元朱致遠手製珍珠玉屑斷文琴摻縐于此磚上其聲

泠泠然餘韻獨絕唐見磚背純素卽以家藏陽山

拓本韓昌黎草書鳶飛魚躍四大字摹勒於上識

者謂韓公遺跡朱氏古琴及吾家古磚可稱三絕

六 速壬申秋佃芹公捐館蔗園叔亦以家計累遂囊

琴韜磚不復賞音也久矣今以嘉興李金瀾先生

之命索取此磚拓本并承紀言而表章之唐出磚

摩挲回想秋牕夜月夏雨晚涼時忽忽已二十載

爰述數語以識孺慕豈僅同於人琴之感哉道光

壬辰孟春裔孫尙賡謹識

青田安福院銅鐘款識

栢蒼金石志 卷八

鍾據拓本錄入不計高圍

青田高潮信人金顯捐財鑄造

鴻鍾捨入新上方安福院祝延

聖壽保國安民仍乞追薦故

恩府彭城三九郡馬學士神

往生耆淳祐巳酉季春吉

盛孫劉陳五娘吳達劉大年王

六一娘各捨舊會拾阡氏惠安季核

劉七六娘劉大娘洪廿七徐十一娘任二娘

王四僧貴僧郎元發黃四娘楊三十娘

萬○劉伯舉金守門屠二四娘葉道呂

各捨舊會五阡季六九娘捨舊會

參拾阡 每阡信六十文足

○緣施主共信參伯參拾柴

名已上通捨財壹拾柴貫

貳伯柴拾貳足別具

芳字數目板榜揭示者

本院開山幹緣僧智常 知事 淨梅

○崇本崇友道昕道安淨○

鑄匠邵○德○

栝蒼金石志

卷八

十三

右青田安福院鐘今在崇道觀欵識有追薦故恩府馬學士等字按嘉熙間馬光祖以莊文府教授

出知處州歲歉計口賑濟密室書詞自責涕泣請

于天曰減光祖十年之壽爲栝蒼三日之霖果大

雨決訟如神每多善政後進徽猷閣學士江西轉

運副使兼知隆興爲劉漢弼論罷之當罷官時豈

山鄉居民誤傳其已死而有此感恩報德之舉歟

其後馬公再起官至參知政事又知樞密院事卒

諡莊敏

雲舫

安劉三崑磨崖

六行行四字
正書徑八寸

郡守安劉

以景芝庚

申三月十

二日來報

育我之德

皆既請祠

右安劉三崑磨崖在黃子耕題崖之上安劉郡志

不載末云來報育我之德或時將解組歸里來寺

理佛耳故下有請祠祿語

栝蒼金石志

卷八

十三

王重小蓬萊歌後題崖

據錄本編入

小蓬萊歌 已缺

仙都洞天秀出東澗有 黃帝祠 孔子 歲申春邑

合合僚佐帥諸生行舍采禮先過初暘谷已乃瞻獨峯

挹仙水泛蓬萊而歸予泄邑三載心甚樂之去日為歌

以詒邑人使刻之石

咸淳元年歲在乙丑八月○日○王重

右王重小蓬萊歌并磨崖墨拓失於水亦據錄本

編入惜歌不錄所云仲春邑令合僚佐帥諸生行

舍萊禮先過初暘谷等語是時孔子廟其在仙都
山耶按宋慶厯四年縣尉毛維瞻重修文廟記云
邑中諸佞嘗購善伺者諷執政徙夫子廟於山谷
間因籍遺址以侈其居尉毛維瞻至亟建議於令
請治之秋八月十四日始其事遂增東西兩廡遷
其門南嚮視王居也云云則慶厯時雖有此議似
乎尙未移徙或後復從是議而遷之歟邑令王重
縣志以爲嘉熙間任此爲咸淳元年則其宰縉雲
也當在景定咸淳間耳 雲舫

謹按原本因墨拓失於水僅據錄本編入惜歌

枯蒼金石志

卷八

十四

未錄今夏遊仙都訪小赤壁瞻仙人榜橫亘百
餘丈平展如張畫上刻王重歌序厯厯在目惟
高處有漫漶莫辨者數十字揆之前序及果鄉
輯入縉雲縣志歌語均有脫落爰本崖刻補正
分行誌後歌中棘字作棘字書無攷 殷甫

王重小蓬萊歌摩崖

小蓬萊歌四字篆書徑五寸二分序七行六行行十
二字末行五字歌十四行十三行行十四字末行十
字年月款二行行凡九字字徑三
寸六七分至四寸不等俱正書

水仙洞天秀出東澗有

黃帝

祠宇近年始祠 孔子歲申春

邑令合僚佐帥諸生行舍菜禮

先過初暘谷已乃瞻獨峯挹仙

水泛蓬萊而歸予泄邑三載心

甚樂之去之日爲歌以詒邑人

使刻之石上

僊之山兮 僊之水兮 委佗駕輕

車兮 扁舟兮 咏歌軼層巔兮

流兮 白石楚二上切漢子

兮 在下厓花子春芳澗

楮蒼金石志 卷八

激兮 縑素冰霜結兮

璆琅兮 魚鳥躍飛兮 誰使

石年兮 一三萬里兮 弱水于嗟

蓬萊兮 仙水是室廬世之人兮 莫知

其歌兮 兮披荆棘驅斥兕兮

兮海濤白倒光景兮

兮孰華子眇流盼兮

兮壽無期碧荔爲衣

兮埃塹兮不可以控搏

兮愴忘歸

大宋咸淳元年歲在乙

潘苑使捨田立祠紀實碑

碑高六尺四寸廣三尺五寸五分文分三列上列苑

使批據千行行字多寡不等行書又租額地名十三

行行字多寡不等正書徑四五分第二列僧德芳劉

狀二十四行行字不等正書徑四五分又苑使披三

行行字不等行書徑一寸第三列僧某記磨滅現

存四行行字不等行書篆額六字長四寸四分

苑使潘公跋田藻翰

尚乃余男所生之兄骨肉相依在余

二十載費心余男蚤世未前望今將

栝蒼金石志 卷八

麗水縣龜溪田共計租伍拾貳石玖斗五

并元契跋東埜自行管作修寺舍聽

其便本宅即無執吝庶見余不相負之直終始了

辦余之事切望留意咸淳四年戊辰三月日潘苑使

從押批付東埜和尚收代書葉琢押

今具租額地名于石

一土名雙港壠租埜石柴斗一土名港西源

口租陸碩式斗一土名雙港神堂前租叁碩一

土名雙港下租伍碩一土名葉坑租叁碩玖斗

一土名葉村井弄租壹碩伍斗一土名葉村上

弄租壹碩捌斗且一土名葉村○堂後租叁石伍斗

○一土名葉村拓木搭租叁碩

已上九項共計租叁拾貳碩陸斗今撥充常住長

生修造

一土名雙港畝租伍碩一土名葉坑租叁碩伍斗

一土名葉坑漆頭租貳石六斗一土名小淳口

租叁石貳斗一土名何壠租壹碩伍斗一土名

白嶺根租貳石一土名大杉墩下租伍斗一土

名大弄租貳碩

已上八項共計租貳拾石叁斗撥充中元及十月

橋蒼金石志

卷八

七

朝修設普度吾派子孫亦非混擾且○隨入○

○差

上缺 劄狀

上缺 台聽 德芳下缺

宣下缺 今二十三年矣下缺

竊謂下缺 舍下缺 一脉之源流而○之則下缺

兒下缺 蒼天蒼天奈之何哉○究天恩罔極○退居

上缺 者相 德芳之願也詎○念愈加以麗水元和

○之田伍拾○碩有奇○賜德芳管業或○

○德其○且文有以余子○不了之事

切望留意等語此何□□父母付囑其子之意歟言及
○激涕零故○竭力奔走捐軀補報然荐須恩命德芳

揆之於心□□□□□□□□□□□□□□進退維谷者

屢月竊惟僧之為教廣天下之寺院合□□□□□□

所資給至於寺□□□□□□一瓦一絲一粟□非檀那信施之

信之恩可謂大矣而僧之報德者□□□□□□出粟補助檀

靈上缺言屬下缺之下缺至今不然今德芳既蒙修賜

○應下缺業悟空院先立情庵居□□祠他日附亦山

栢蒼金石志

栢蒼金石志

卷八

○□□□□將壹拾石立為中元蘭盆普度壹拾石立

為十月朝孤魂普度叁拾石為常住長生修造□石有

奇為祠堂香燈之資庶幾此方香火盛□□損之患年

二七月半歲二十月朝幽顯皆得飽其□□堂依常住

常住依國家國家與天地同久長其情庵居士之因果

異日豈在□給孤長者之右區二欲望詳察照德芳所

陳特賜

台判待憑□□德芳干冒威崇下情不勝戰灼俟命之

至德芳

四聖右謹具申

恩府大檀越判苑舍人伏候

五月 日門僧 德芳 劄狀

所陳見忠義他日父子永下不言有望實難
泯沒仍須與請衆商議爲悠久計照行

苑 押

前缺數行

公之祠亦山上 下缺

公待之以心印心猶一人師佈付 下缺

怠曳裾侯門于茲有年矣知有孽造物

遽嗇其壽苑使公嘆師未慨然捐田租五拾貳石有

栢蒼金石志 卷八 五

奇以爲報稱仍賜藻翰詞意懇切師辭不獲已而受之

皆爲東道主立祠于本山悉將所得之租回施條分建

事以彰不朽于以資

利也于以資香燈夤奉靈識也于以資修造愛念

常住也種種區畫莫匪有方凡我徒衆美志相與

維持毋致廢典庶此方香火藉此利益與我國家相爲

長久惟此因果豈曰小補之哉又非所盡能

形容者姑序大畧敬厠碑末以詔後人云昔咸淳五年

己巳太歲仲夏中浣山

知僧

○僧

○○ 山靈錄合而誌之亦河間四合也

雲城

右捨田立祠紀實碑在郡西五十五里悟空寺文字磨滅得其大畧耳蓋東埜卽僧德芳之法號也似與潘苑使之子爲異父同母之兄弟初在苑使家二十三載相與治產後舍俗入悟空寺爲僧苑使子亦蚤世苑使卽將龜溪元和之田捨入悟空寺與東埜爲香火歲修之資觀劄狀有悟空院先立憐庵居士祠并有憐庵居士之因果異日豈在給孤長者之右等語蓋憐庵爲苑使之別號也東埜爲憐庵立祠將所得之租條分建事以彰不朽

栢蒼金石志

卷八

三

可謂善承其志者下列序文亦寺僧所作書法如聖教序此僧能書能文智永辨才者流惜欸磨滅不知其名耳又有師佈○付公嘆師未○師辭不獲已而受之等語殆亦東埜之徒歟碑中厯叙龜溪元和雙港棗村等處地名皆屬麗水按郡志景泰三年撫臣孫元貞以麗水浮雲元和二鄉之地奏請置縣名曰雲和故數處地名今屬雲和矣此碑已泐爲二壬辰夏余遣工訪求得石之右半於神龕下搨本爲人攜去冬復命工往搨又得石之

○左半於他處遂合而拓之亦可謂巧合也

雲舫

陳紹若等初暘谷磨崖

九行行九字正書
徑二三寸不等

咸淳□□重陽日天台

陳紹若□□舜龍繼可

□□□□遇表兄田瑄

□途同訪仙都是日也

□氣澄清水天一色覽

山川勝槩俗懷爲之灑

然晚泊玉虛次日遊小

蓬萊泛舟而歸道士韓

栢蒼金石志

卷八

三

□□與焉

然右邑令陳紹若初暘谷磨崖在趙立夫之上歲次

磨滅以前田君錫揆之知其爲咸淳五年也

青田良山鐵鐘銘

鐘上下各四區每區高一尺四寸廣一尺五寸一
區題款餘皆無字銘字正書徑一寸凡十一行

拙齋居士預作□罷於

青田縣西二十里良山

之巔將以歸骨也築庵

其旁曰奉

大士像雖小器可□乎

範鉄鑄鐘

圓厚報

恩貽吾子子孫孫於

千百載丁時

有宋咸淳辛未十二月辛

居士鄭氏名思問

右宋鐵鐘咸淳辛未為度宗即位七年拙齋居士

鄭思問因築庵於生壙旁以奉大士故鑄此鐘以

祈福祐鐘本在青田縣西二十里良山不知何時

移至郡城法海寺現存大殿後鐘樓下不復懸挂

栝蒼金石志

卷八

三

大都移元妙觀大鐘後遂廢棄不用耳鐘文剝落

然年號姓名尙可認識拙齋自是達士不料五百

年後因頑鐵而見姓氏亦幸矣

潛說友篆王順齋墓碑

碑高五尺七寸廣三尺三寸二行行五字篆書長七寸五分末款四字篆書長二寸在青田縣十八都淳

戈庄永福山

年磨滅

釋文

順齋

有宋順齋先

王公之墓

生王公之墓

潛說友題

潛說友題

右潛說友篆書題王順齋先生墓碑先生諱夢松
字曼卿師事西山葉味道盡領考亭宗旨隱居不
仕闡明六經所著有論孟學庸易書禮解七十餘
卷余學古胡長孺皆出其門按說友字君高縉雲
人由進士歷官尚書至端明殿學士封縉雲郡伯
此碑在咸淳九年所題乃初封縉雲縣開國男時
也說友工篆籀曾篆仙都山銘見陳性定仙都山
志又有杭州龍泓洞題名篆書六字兩浙金石志
以爲吉光片羽世所罕覩今觀此碑凝神莊重得
李陽冰暮年涓勁之法惜趙晉齋何夢華輩未之

括蒼金石志

卷八

三

見也 芝庭

王順齋先生墓誌銘

碑高一丈廣五尺凡二十四行行四十七字正書
徑一寸篆額十字長七寸在青田縣十八都浮七

宋順齋先生王公墓誌銘

朝請郎試尚書吏部侍郎時暫權工部尚書兼中

書舍人修 玉牒官兼侍讀樂清縣開國男食

邑三百戶 賜紫金魚袋劉黻撰文

顯文閣直學士中大夫知平江府事兼管內勸農

使節制許浦都司水軍兼提舉兩浙西路常平義

倉茶鹽公事縉雲縣開國男食邑三百戶賜紫
金魚袋潛說友書丹

端明殿學士朝請郎同簽書樞密院事兼提舉編
修經武要畧瑞安縣開國伯食邑七百戶食實封
一百戶陳宜中篆蓋

咸淳八年十一月二十八日順齋先生王公卒於里蓋
年八十有七孤以其友余學古傳公行屬黻銘黻生平
寡與聞公講道著書行侔金石先與意會不敢辭公諱
夢松字曼卿處之芝田人蚤穎悟通六經諸子百家以
至遷固曄壽之史天文地乘稗官雜說靡不研貫一旦

括蒼金石志

卷八

十四

脫然自謂曰讀書爲文皆學也舍五帝三王之道則不
達於用舍六經之言則不探其原於是晝觀夕維指孟
子四端卽舜禹道心之微每於此心始動處下工夫體
認其本然者主敬以涵養之贊座右日常行細務無非
學把住初心便是仁其真識實踐有如此者旁搜互發
靜照澄思而得之易大而天地幽而鬼神繁而事功莫
非易也然所以爲易者性也如典謨訓誥如中庸大學
禮運閒居燕居哀公問諸篇篇究極指歸大率言遠不遺
邇言天必於人窮數十年之力以其精粗本末者而約
之於已如權衡尺度之應萬物皆有無過不及之則公

之學以致知窮理以主敬盡性嘗北面西山葉公味道
西山謂公曰世無曾思君不當在弟子列唯諾叩擊盡
領考亭宗旨而返自少至壯自壯至老壹是勿貳西山
真知人哉抽關發鑰私淑艾其徒簞連袂接室隘不足
以容闢精舍曰東湖曰陽山曰臘川執經問道沉潛栽
植隨力有驗相與勵君子儒之行科第不與焉嗟夫宇
宙之氣磔裂濂伊聲光寥藐孰嗣考亭朱夫子外爵祿
富貴惟道德性命之求流暢灌輸雖深山窮谷亦有果
其志卓其行瞠若乎其後如順齋先生者蓋其脫凡釋
陋卽學爲聖賢之學一有得焉終其身不忘故達之家

栢蒼金石志

卷八

三

庭而孝友達之族嫻而周洽達之里閭而急義振德識
與不識咸尊之曰順齋先生至是可勿忝存順歿宜矣
曾祖澤祖顏父廷珪俱隱德不耀公娶留氏粹有閭度
年八十有一先公六月卒以咸淳九年十二月庚申合
塋於永福山之原女適登仕郎陳應男子文以上庠解
褐教授吳門垂滿汾海制置辟致之幕□□□□□□

□□□□□□□□孫三有論語解十卷中庸大學解五

卷孟子解七卷易解十三卷書解十卷禮記解五卷雜

著二十卷

下缺

河汾之緒

有儒崛興北面西行確心潛

大闡六經

□□□□

□□□□

名不酬德

齋身豐後

枯山藁二

芝水法二

□□□□

□□□□

右劉忠肅公撰王順齋先生墓誌銘縉雲郡伯潛說友書丹左丞相陳宜中篆蓋碑於嘉慶壬申爲墓者毀泐匿其下段僅存上半今以先生裔孫尙賡所藏得讀其全文先生講道著書行侔金石指孟子四端卽舜禹道心之微每於此心始動處下工夫體認其本然者主敬以涵養之可謂以聖賢之學爲學以孔孟之道爲己任者矣文有云嗟夫

栝蒼金石志

卷八

美

宇宙之氣磔裂濂伊聲光寥藐孰嗣考亭可知當時講學爲世所忌而吾栝僻處萬山則有龔深父葉致遠項平甫諸公坐貶黨籍而又有葉味道及順齋先生輩雍容講學是惟聖教之尊名言之妙雖欲詆諛之而烏可得者先生卽受學於味道先生味道先生則朱子弟子也見胡長儒傳謂其淵源有自然則劉忠肅之表先生墓也非溢美矣

庭

縉雲縣顯應廟牒碑

栝山藁

碑拓已剪去四旁不計高廣勅文十九行草書經二
三寸不等三公各銜十六行正書經四五分廣惠侯

下有尙書省印方二寸八分吏禮房下有尙書
右司之印方二寸五分今石在縉雲縣城隍廟

甲紹字號

勅處州縉雲縣顯應廟

尙書

廣惠侯曰豐與歛雖歲事

省印

之靡常轉災為祥緊神休

之是賴爾侯揚靈於唐室

錫謚於

○朝廟食西山庇庥東土

蓄能禦患能捍有赫其光

早不苦雨不愁隨禱而應

栝蒼金石志

卷八

七

剡章來上顯蹟備聞加二

右 upper 層

字之徽稱昭九重之茂渥

益廣厥惠用稱其名可特

封廣惠昭應侯

奉

勅如右牒到奉行

咸淳九年十月二十三日

太傅平章軍國重事魏國公

押

丞

相

闕

簽書樞密院事兼權叅知政事

時暫兼權給事中 元慶

兼權中書舍人

十二月二日午時都事宋 孫 受

右中層

將作監兼右司兼考功郎官時暫書 吏禮房 尚書 之

印 右 付吏部

太傅平章軍國重事魏國公

丞 相

簽書樞密院事兼權叅知政事

栝蒼金石志 卷八 三

吏部尙書

吏部侍郎

告廣惠昭應

侯奉

勅如右符到奉行

缺三行小楷

咸淳十年正月二日下

右下層

按縉雲縣志縣西北十五里有神能興雲施雨鄉人立祠祀之水旱疾疫必禱焉宋嘉泰二年縣令

朱堂上其事賜額曰顯應此咸淳勅牒乃再奏請
加封也未知何時移此碑於城隍廟無攷

右顯應廟廣惠侯加封尙書敕符碑高五尺二
寸廣二尺九寸三分凡三層上層十行敕第二
行惠侯字上蓋尙書省印中層敕牒年月共六
行行俱十字行書字徑八分後押敕銜名到省
月日共六行正書字徑三分下層銜名六行正
書字徑同前第一行吏禮房口字下至付字上
有尙書右司之印行書碑在城隍廟按廣惠侯
卽縉雲城隍神景德五年封廣惠侯至是又請

栢蒼金石志

卷八

三

加封敕封廣惠昭應侯敕奉於咸淳九年十月
二十三日以十一月二日午時到尙書省十年

正月二日自尙書省頒行中層押敕銜名五行

書太傅平章軍國重事魏國公

下書 丞相 下書 闕

簽書樞密院事兼權參知政事口時暫兼權給
事中元慶兼權中書舍人不署名以宋史度宗
本紀宰相表考之太傅平章軍國重事魏國公
者賈似道也宰相表咸淳二年正月戊戌太傅
右丞相賈似道特轉兩官二月乙丑除太師特
授平章軍國重事一月三赴經筵三日一朝就

赴都堂治事本紀姦臣傳同按敕奉於咸淳九年十月是時似道加太師幾八年矣而押救銜名署太傅而不署太師攷宰輔表咸淳十年十二月癸亥賈似道依舊起復太傅平章軍國重事魏國公都督諸路軍馬本紀於是年十二月止載癸丑詔似道都督諸路軍馬姦臣傳亦止言其以母喪起復而不詳載其官豈碑與宰輔表之書依舊起復太傅之傳字有誤耶抑紀傳及宰輔表皆有漏略耶職官志平章軍國重事元祐中置序宰相上所以處老臣碩德特命以

寵之也故或稱平章軍國重事或稱同平章軍國事五日或兩日一朝非朝日不至都堂又云其後賈似道專寵竊位日久尊寵日隆位皆在丞相上碑於丞相下書闕者攷本紀宰輔表咸淳六年正月丙寅江萬里爲鮑度所劾罷左相於是左相虛位八年冬十月右丞相馬廷鸞十疏乞骸骨詔不允十一月乙卯又累疏乞骸骨遂罷右相除觀文殿學士知饒州十二月甲寅葉夢鼎自少保觀文殿學士除少傅右丞相兼樞密使屢辭不拜由是兩相不除人者幾二年

至十年十一月始從似道之請以王爚爲左丞相章鑑爲右丞相敕奉於九年十月是時丞相正闕員書闕與史符合第三行參知政事名甚磨泐諦視之左旁似從金以史攷之當是章鑑宰輔表鑑以咸淳八年六月丁酉日自權吏部尙書除端明殿學士同簽書樞密院事十月丁未兼權參知政事九年九月辛巳自同簽書除簽書樞密院事本紀同本紀於九年九月辛巳以章鑑簽書樞密院事兼參知政事兼下脫一權字據下文十二月丙寅權參知政事章鑑再

乞歸機政不允及宰輔表可證鑑字秉公分甯人以別院省試及第累官兼權參知政事同知樞密院事咸淳十年拜右丞相兼樞密使明年元兵逼臨安鑑託故徑去遣使亟召還朝既至罷相予祠放歸田里見本傳碑列銜簽書樞密院事兼權參知政事敕奉於九年十月正鑑自同簽書除簽書之後其爲鑑無疑時暫權兼給事中元慶無攷度宗本紀咸淳九年六月有刑部尙書兼給事中陳宜中言云云又有已丑給事中陳宜中言云云攷宜中以是年九月辛巳

自兼權吏部尙書除端明殿學士同簽書樞密院事敕宣於十月正宜中遷官之後史稱紹興後給事中止除二人或一人元慶之時暫兼權當卽補宜中遷官之闕下層第一行書將作監兼右司兼考功郎官時暫書○吏禮房下付吏部吏禮房下諸字磨泐又爲尙書右司印所蓋故其人姓名不可辨職官志將作監監少監各一人丞主簿各二人掌宮室城郭橋梁舟車營繕之事隆興初百工器用屬之文思院以隸工部本監惟置丞一員乾道後監少丞簿無闕凡

臺省之久汰與郡邑之有聲者悉寄徑於此自是號爲儲才之地云又吏部有考功郎中員外郎各一人掌文武官遷叙磨勘資任考課之政合應諡者覆太常所定行狀報尙書省官集議以聞凡立碑碣名額之事掌之又凡郎官並用知府資序以上人充未及者爲員外郎建炎四年詔權攝添差郎官並罷初進擬第云吏部郎官及擬告身細銜始直書尙書吏部郎中或員外郎主管尙書某選云云又乾道元年詔今後非曾任監司守臣不除郎官著爲令自是館學

寺監臣拘礙資格遷除不行郎曹闕員但得兼攝旋卽外補間有不次擢用者其有自外召至爲郎則資級已高曾不數月必序進卿少而郎有正員者益少矣又尙書省有左司郎中右司郎中左司員外郎右司員外郎各一人掌受六曹之事而察文書之稽失分治省事左司治吏戶禮奏鈔班簿房右司治兵刑工案鈔房而開敕制敕御史元豐六年都司置御史房主行彈糾御史案察失職催驅使椿印房則通治之有稽滯則以期限舉催時暫書下一字磨泐諦視之似擬字職官志尙書省

右左司下有云紹興三十二年詔尙書省吏房兵房三省樞密院機速房尙書省刑房戶房工房三省樞密院看詳賞功房尙書省禮房令左右司郎官四員從上分房書擬據此則書字下是擬字無疑其人蓋由將作監兼尙書右司及吏部考功郎官又時暫書擬吏禮房第右司所掌者兵刑工三房吏禮係左司之事想因吏禮房闕人故暫時權攝歟志所稱郎官曹闕員但得兼攝正員益少於此益信符後三行主事等姓名並剝蝕不可辨

謹按原本因碑拓翦去四旁不計高廣並未悉
廣惠侯卽縉雲城隍神誤以縣西北顯應廟當
之故本果卿跋訂正今碑在縉雲城隍廟東廡
完善如前 殷甫

陳適中等石門洞題名

二行行七入字字徑
二寸二三分正書

陳適中吳幾聖遊

庚子十月二十六日

右題名二行時代無攷後另有齊諱二大字亦不
知其爲何時人所題也

栝蒼金石志

卷八

三

謹按是刻原本因無時代輯入附載錢宮詹潛
研堂金石文字目錄定爲宋刻列於馬璟題名
之前適中題於庚子十月璟題於辛丑社日攷
北宋有陳執中於仁宗朝同平章事兼樞密使
南宋有陳宜中於恭宗時爲右丞相並兼樞密
使宜中温州人石門洞與温州永嘉接壤相距
僅百數十里一水可通適中或是宜中之族過
此遊題亦未可知今移附宋末以待攷正 殷甫

栝蒼金石志卷八終

原刻麗水譚學鎔
重刊海甯鄒柏森

校字

